

GIZARTE ETA KOMUNIKAZIO ZIENTZIEN FAKULTATEAREN BALDINTZA ETA MUGA ESPEZIFIKOAK IKASLEEK GRADUKO IKASKETETAN MUGIKORTASUNERAKO PROGRAMETAN PARTE HARTZEKO (ERASMUS+, LATINOAMERIKA, BESTE NORAKO BATZUK ETA SICUE)

1. Ikasleak unibertsitateko mugikortasun programei buruzko arautegia ezagutu beharko du eta, Fakultateko mugikortasun koordinatzaileen aholkularitzaz, atzerriko unibertsitatearen ikasketa planei, eskakizunei eta baldintzei buruz informatu beharko da.
2. Atzerriko erakundeetan egin beharko ditu UPV/EHUk egiten dabilen titulazio ofizialeko programaren partetzat aitortuko zaizkion ikasketak.
3. Eskaria egitean, gutxienez, graduko bigarren urtean egon beharko da matrikulatuta.
4. Ikasleak 54 kreditu gaindituak izan beharko ditu mugikortasun-eskaera egiteko unean.
5. Ikaslea, normalki, kreditu kopuru jakin batean egon beharko da matrikulatuta UPV/EHUk, eta kopuru hori egin beharko du atzerriko unibertsitatean:
 - a. lauhileko bateko egonaldietarako, 30 kreditu gutxienez.
 - b. ikasturte osoko egonaldietarako, 60 kreditu gutxienez.
6. "Latinoamerika" eta "Beste norako batzuk" programetan parte hartzen duen ikasleak kontuan hartu beharko du zein den UPV/EHUko eta atzerriko unibertsitateko kredituen arteko baliokidetzak, eta, edozein kasutan, 30 edo 60 ECTS kredituren parekoa egin beharko du, egonaldiaren iraupenaren arabera.
7. Ikasleak ezin izango ditu hitzarmen akademikoan Gradu Amaierako Laneko kredituak sartu. Horrek esan nahi du, batetik, mugikortasuna graduko 4. mailan burutuko duten ikasleek, lauhileko bateko egonaldiak baino ezin izango dituzte eskatu. Horiek lehen lauhilekoan egingo dira beti, eta ezin izango da egonaldia luzatu. Bestetik, gradu bikoitzeko ikasleek ezingo dute mugikortasunik burutu 5. mailan.
8. Atzerriko unibertsitateko hizkuntza frantsesa edo alemana bada, gutxienez B1 maila edo parekoa eskatuko da, edo unibertsitate horrek berak eskatzen duena. Ingelesez irakasten den lekuetarako, eskatuko den gutxieneko maila B2 edo parekoa izango da.
9. Hitzarmen akademikoan egonaldia egingo den ikasturteko UPV/EHUko irakasgaiak baino ezin daitezke sartu. Era berean, ezin izango dira sartu "nahikoa", "suspentsio" edo "Ez aurkeztua" kalifikazioa jaso duten irakasgaiak. Hitzarmen

akademikoak Dekanordearen onespena izan beharko du betiere. Hitzarmenean zerbait aldatzen bada dekanordeak aurretik baimena eman barik, aldatutako irakasgaiak ez dira konbalidatuko.

10. Nazioarteko mugikortasun programetan parte hartzen duten ikasleek gogobetetze inkesta bete beharko dute atzerrian dauden bitartean. Ezin izango dute itzuli ondoren bete.
11. Helmugan ikasleek lortutako kalifikazioak **baliozkotzeko**, atzerriko zentroetan egindako unibertsitate-ikasketen batez besteko noten baliokidetasun-taulak erabiliko dira, gai horretan eskumena duen Ministerioak argitaratutakoak.
12. Mugikortasun programetan **parte hartu ahal izateko**, ikasleak, deialdiaren aukeraketa egiten den unean, bere espediente akademikoan batezbesteko nota 6,50 izan beharko du. Salbuespen moduan, aurretik Buddy programan egoki parte hartu duen ikasleari 6,00ko batezbesteko nota onartu ahal izango zaio. Hori fakultateak kudeatzen dituen norakoei soilik aplikatuko zaio eta ez du SICUE programarako balioko.
13. , **Esleitzerako momentuan**, nota minimo hori duen ikasleari, merituengatik beste puntu bat gehitu ahal izango zaio, hau da, aurreko deialdietan Buddy edo/eta Ikaskide programan parte duenari (0,5 programa bakoitzeko). Batuketa hori fakultateak kudeatzen dituen norakoei soilik aplikatuko zaio eta ez du SICUE programarako balioko.
14. Era berean, ikasleak bete beharko ditu Errektoreordetzak eta Nazioarteko Harremanen Bulegoak ezartzen dituen baldintzak eta eskakizunak.